



Ioannes ille ex honesta familia natus, & in omni-
bus uirtutibus educatus fuit. Is cum prima litera-
rum fundamenta in patria percepisset, sese hinc in-
de ad uarias academias contulit, & artibus dicendi
operam nauauit. Postea quoq; Legum studio dili-
genter incubuit, & in eo adeo profecit, ut omnium
applausu Doctor Iuris crearetur. Erat is pietatis a-
mantissimus, præterea rara prudentia præditus. Id
cum Huldricus princeps Vuirtenbergicus cogno-
uisset, hunc Ioannem ad se uocauit, atq; suum Can-
cellarium constituit. Eam uocationem Ioannes sin-
gulari industria peregit, & per multos annos opti-
me continuauit. Nam principis sui nomine nō tan-
tūm res domi, uerūm etiam foris in comitijs Imperij magna diligentia expedi-
uit, & suo principi gratissimus extitit. Postea etiam 1547, cum Carolus Impera-
tor uictor Huldrico principi iratus esset, Ioannes Vuirtebergicus legatus co-
ram Cæsare comparuit, & supplex factus, tandem suum principem certis con-
ditionibus Cæsari reconciliauit. Itaq; factum ut Christopherus princeps, qui
patri successit, hunc Ioannem suum quoq; Cancellarium esse iusserit, &
eius honores multiplicarit. In ea uitæ conditione Fesslerus etiam
num superest, et ueneranda cænitie insignis agnoscitur. Io.
Sleid, Anon.